



SARAJEVSKA DECLARACIJA ZA BALKAN BEZ UBIJANJA

**NONKILLING
BALKANS** FORUM
nonkillingbalkans.org

Center for Global
NONKILLING
Measurable, Inspirational, Transformative



Okupljeni na nedavnom zajedničkom sjećanju na dva najstrašnija evropska rata, Prvi svjetski rat i Drugi svjetski rat, sa zgražanjem odbacujemo viziju Balkana kao svjetskog regiona krvoprolića. Nasuprot tome, nastojimo ponovno vratiti i obnoviti lijepo sjećanje na našu zajedničku Historiju Neubijanja i balkanske doprinose miroljubivom svijetu Neubijanja: od Bogumilske pacifističke duhovnosti do ranijih istraživanja mogućnosti za mir; od stoljeća u kojima je bio moguć miroljubivi multikulturalni suživot do prvih poziva za bezuslovno uništenje nuklearnog oružja; od smjelog antiratnog aktivizma u jeku bitke do primjene miroljubive građanske neposlušnosti.



Ovo naše zajedničko naslijeđe Neubijanja i činjenica da, tokom cijele historije, najveći broj ljudi, čak i u toku rata, nije učestvovao u ubijanju, niti je htio ubijati, navodi nas da usvojimo princip na pravo svake osobe da ne bude ubijena, kao i na pravo i odgovornost svake individue da ne ubije nikoga. Historija nas uči da ubijanje vodi ka još masovnijem ubijanju putem stvaranja i povećavanja mržnje i želje za osvetom. Primjeri multietničkih zajednica, koje su odbacivale međusobno ubijanje u toku ratova, ili su bile sposobne da postignu istinsko izmirenje u vremenu mira, uvjeravaju nas da je Neubijanje moguće.



Pozitivna medijska pažnja i reakcije javnosti na objavljivanje prevoda knjige *Svjetska Politička Nauka Neubijanja* na centralne južnoslovenske jezike, zatim održavanje „Balkanskog Istraživačkog Foruma o Neubijanju“ u 2014. godini, te predstavljanje prve Zastave Neubijanja i njezina dodjela općini Bosanski Petrovac, dodatno su ohrabrenje za prihvatanje neubijanja kao pristupa rješavanju problema i jačanju i izgradnji životnih zajednica Neubijanja širom Balkana. U isto vrijeme, ove aktivnosti su potakle i mnoge druge srodne inicijative, koje se razvijaju u cijelom regionu.



Smatrajući da je sazrelo vrijeme, u snažnom zamahu nedavnog uspjeha i pažnje, niže-potpisani učesnici pozivaju na uspostavljanje trajne strukture Neubijanja, koju bi sačinjavali lokalni naučnici, aktivisti, javne institucije i mnogi drugi. Predlažemo da ova struktura bude okosnica za formiranje neprofitnog „**Balkanskog Centra za Neubijanje**“, u čijem sastavu bi se nalazio i „Balkanski Opservatorij za Neubijanje“, kako bi se, na taj način, pratile inicijative za ubijanje i za Neubijanje u cijelom regionu, a u „Balkanskoj Akademiji Neubijanja“ obučavali mladi lideri kako da izgrađuju buduće zajednice neubijanja na Balkanu.



Uzimajući u obzir diskusije i razmatranja tokom "Balkanskog Istraživačkog Foruma o Neubijanju", učesnici su se složili da je potrebno objaviti zajedničku knjigu pod naslovom *Balkan bez Ubijanja*, koja će širiti otkrića i promovirati shvaćanje naučnih postavki Neubijanja među donosiocima odluka, u građanskim pokretima i u široj javnosti. Najvažniji zaključci iz ove knjige će biti sažeti i prezentirani u Politici Neubijanja, kao i u Izvještaju o preporukama obavljenih istraživanja.



Nadamo se da će naša otkrića do kojih dolazimo na poljima obrazovanja, psihologije, antropologije, politike, filozofije, historije i medija, obezbijediti korisne informacije za preispitivanje perioda 1914-2014 iz perspektive Neubijanja i da će pomoći prilikom prelaska iz stoljeća koje je demonstrativno obilježeno Kulturom Ubijanja, u budućnost koja će se zasnivati na Kulturi Neubijanja, u skladu sa zajedničkim parametrima Naslijeđa Neubijanja na Balkanu.

ZBOG TOGA:

U znak sjećanja na sve one koji su ubijeni, one koji su ubijali, one koji nisu nikoga ubili, kao i na one koji su radili na tome da ubijanje prestane, vođeni naučnom, historijskom i kulturološkom pretpostavkom o univerzalnoj vrijednosti ljudskog života, mi – učesnici „Balkanskog Istraživačkog Foruma o Neubijanju“, održanog u Sarajevu, Bosna i Hercegovina, od 28 – 29. avgusta 2014. godine – predstavljamo ovu Deklaraciju i pozivamo sve ljude na Balkanu i širom svijeta da nam se pridruže i daju svoju podršku.

POTPISNICI

Sabina Alispahić (Bosnia-Herzegovina)
Univerzitet u Sarajevu

Rifet Bahtijaragić (Kanada)
Nonkilling Balkans Forum

Amela Dautbegović (Bosnia-Herzegovina)
Univerzitet u Sarajevu

Joám Evans Pim (Galiza)
Center for Global Nonkilling

Sanja Garić (Kanada)
British Columbia Institute for Technology

Ingrida Grigaitytė (Finska)
Abo Akademi, Vasa

Eveline Gutzwiller-Helfenfinger (Švajcarska)
University of Teacher Education, Luzerne

Shelley Hymel (Kanada)
British Columbia Univerzitet

Husein Hujić (Bosnia-Herzegovina)
Asocijacija Inovatora BiH

Zlatko Hujić (Bosnia-Herzegovina)
Gradonačelnik Bosanski Petrovac

Emir Miro Karamehmedović (BiH)

Mirna Marković-Pavlović (BiH)
Univerzitet u Sarajevu

Ivana Milojević (Australija)
Sunshine Coast Univerzitet

Alma Omeragić (Bosnia-Herzegovina)
Prevodilac

Tjaša Ribizel (Slovenija)
Univerzitet u Ljubljani

Miro Sirovina (Hrvatska)
Novinar

Da biste dodali svoje ime pošaljite email na :
info@nonkilling.org

